



Dalam menyampaikan ceramah / tazkirah atau pengajaran ugama, walaupun penceramah-penceramah / tenaga pengajar ugama itu bebas memilih apa-apa jua tajuk dan topik mengenai agama, panduan-panduan berikut hendaklah dipatuhi:

1. Dalam masalah Aqidah hendaklah mengikut fahaman Ahli Sunnah Wal-Jamaah, golongan al-Asya'riah dan al-Maturidiyah.
2. Dalam masalah Feqah hendaklah mengikut qaul yang muktamad dalam mazhab Shafie.
3. Jangan menimbulkan masalah Khilafiah yang nanti akan menyulitkan penerimaan fikiran orang ramai umpamanya dalam masalah-masalah berikut:
 - (i) Khilaf sama ada sembahyang Tarawih 8 atau 20 rakaat (kerana amalan umat Islam di negara ini ialah 20 rakaat);
 - (ii) Sembahyang Qadha;
 - (iii) Menyentuh perempuan *ajnabiah*;
 - (iv) Talqin mayat;
 - (v) Kenduri arwah, tahlil, malam Nisfu Syaaban, Sambutan Memperingati Hari-Hari Kebesaran Islam iaitu Awal Tahun Hijrah, Maulud Nabi Muhammad Sallallahu Alaihi Wassalam, Isra' Mikraj dan Nuzul Al-Quran;
 - (vi) Adat yang tidak bercanggah dengan Islam.
4. Jangan menimbulkan masalah-masalah yang hanya khusus untuk ahli-ahli Feqah, Tauhid, Tafsir dan Tasawuf sahaja (ulama-ulama) kerana orang ramai tidak begitu faham akan bahasan masalah-masalah tersebut memandangkan kepada terlampau khususnya masalah itu.
5. Penghuraian sesuatu masalah sebaiknya dilakukan dengan cara positif dan tidak melalui kaedah negatif, umpamanya: menyatakan seseorang yang membaca al-Quran tanpa mengetahui maknanya. Seorang pensyarah negatif akan mengatakan cara membaca al-Quran seperti ini tidak mendatangkan faedah sebagaimana yang ditentukan oleh al-Quran. Seorang pensyarah yang bersifat positif menyatakan baca sahaja al-Quran sama ada difahami maknanya atau tidak, pasti akan mendatangkan kebaikan tetapi jikalau difahami maknanya tentu lebih sempurna dan mendatangkan faedah yang lebih besar dari sekadar membaca sahaja.
6. Apabila membuat sesuatu perbandingan hendaknya jangan menyebabkan orang Brunei menganggap bahawa apa yang ada dalam Negara Brunei Darussalam itu tidak baik atau selalunya salah. Manakala apa yang dibuat oleh orang lain itu sentiasa baik dan wajib diikuti.
7. Eloklah mengambil dari bahan-bahan rujukan kitab-kitab yang muktabar, antaranya seperti berikut:
 - Mushaf Brunei Darussalam dan Terjemahannya;
 - Tafsirul Jalalain oleh al-Imam Jalaluddin al-Mahalli dan al-Imam Jalaluddin as-Suyuthi / تفسير الجلالين - جلال الدين المحلي، جلال الدين السيوطي
 - Kutub Tis'ah / الكتب التسعة;
 - Riyadhus Shalihin oleh al-Imam an-Nawawi / رياض الصالحين - الإمام النووي



مجلس إمامة إسلام
نكارة إمامة الإسلام
MAJLIS UGAMA ISLAM
NEGARA BRUNEI DARUSSALAM

PANDUAN MENYAMPAIKAN PENGAJARAN UGAMA DAN CERAMAH UGAMA DI NEGARA BRUNEI DARUSSALAM

- Nailul Authar oleh al-Imam Ahmad asy-Syaukani / نيل الأوطار - الإمام محمد الشوكاني
 - Bahrul Madzi oleh Muhammad Idris al-Marbawi / بحر الماذي - محمد إدريس المربروي
 - Syarhul 'Aqa'idin Nasafiyyah oleh al-Imam Sa'duddin at-Taftazani / شرح العقائد التفسيرية - الإمام سعد الدين التفتازاني
 - Al- Majmu' Syarhul Muhadzdzab oleh al-Imam an-Nawawi / المجموع شرح المذهب - الإمام النووي
 - Bughyatul Mustarsyidin oleh Syed Abdul Rahman Ba'alwi / بغية المسترشدين - السيد عبد الرحمن باعلوي
 - Sabilal Muhtadin / سبيل المهتدين
 - Mathla'ul Badrain / مطلع البدرين
 - Fatwa Mufti Kerajaan;
 - Irsyad Hukum;
 - Zainuttalib / زين الطالب
 - Al-Fiqhul Islami wa adillatuh / الفقه الإسلامي وأدلته
 - Ihya' Ulumiddin oleh al-Imam al-Ghazali / إحياء علوم الدين - الإمام الغزالي
 - Az-Zawajir oleh al-Imam Ibn Hajar al-Haitsami / الزواجر - الإمام ابن حجر الهيتمي
 - Sairus Salikin / سير السالكين
 - Zubdatul Wa'izhin / زبدة الواعظين
 - Zainul Insan / زين الإحسان
8. Penceramah hendaklah menggunakan hadith-hadith sahih atau mutawatir atau hasan dan elakkan menggunakan yang mardud yakni hadith maudhu' dan hadith dhaif jiddan (terlalu lemah), kecuali jika hanya sebagai contoh perbandingan mengikut kesesuaian konteks isi pengajaran atau ceramah.

Disediakan oleh:
Jabatan Majlis Ugama Islam,
Kementerian Hal Ehwal Ugama,
Negara Brunei Darussalam.



مجلس ائمة اسلام
نكاهة برونه دار السلام
MAJLIS UGAMA ISLAM
NEGARA BRUNEI DARUSSALAM

**PANDUAN MENYAMPAIKAN
PENGAJARAN UGAMA DAN CERAMAH UGAMA
DI NEGARA BRUNEI DARUSSALAM**